

規瑱迫于外嫌忌日積乘隙而潰莫至于莫可救矣故曰  
大臣格君心之非格非以心不以人政所慮亦以此耳  
丁巳耿向定為左副都御史賈三近為右僉都御史命巡撫  
保定

朝鮮國王李昞因脩會典辨其祖康獻王李旦之誣許改正  
辛酉南右都御史勸福建道試御史譚希忠奏中內閣  
絲綸簿出閣憲家猷閣內有絲綸簿其內官寺專恣收于內  
紅牌出憲章錄洪武五年六月定內官禁令命工部造紅牌  
鐫戒懸之宮門今亦無存云、上以不繫制書謫希忠

嚴大紀為光祿寺卿

壬戌巡撫南贛汀漳右僉都御史張岳為左僉都御史

丙寅夜月犯井宿

戊辰光祿寺卿賈待問為右副都御史巡撫南贛汀漳

庚午太僕寺卿周弘祖為南光祿寺卿

直隸房山人史錦請開礦命下撫按

給永年伯王偉肩輿禮科都給事中萬象春疏格謂特恩不


聽

辛未河南郡縣水旱冰雹

國權

萬曆十二年

五十六




九月甲戌朔泰寧等衛屬夷入賀萬壽節

吏部左侍郎陸光祖乞休許之閣臣言光祖持正寡諧素甘恬退今為言官所排恐老成因而解體上復令供職巡按按江西御史羊可立疏糾之章下吏部

復浙江布政司都事都指揮使副斷事温州鹽捕通判

乙亥上御午門緬甸岳鳳等九人獻俘磔于西市鳳世撫州人父賈于隴川生鳳黠而多智為宣撫多士寧記室以姝妻之因媚士寧而奪其權與三宣六慰各土舍罕拔等搆血謀叛乃誘士寧往擺古見緬甸酋莽瑞體鳳令子曩烏鳩士

寧死并殺其妻子奪牌印受瑞體偽命自稱宣撫瑞體死子應禮立鳳誘敗我師獻士寧妻胡士及族黨六百餘人于應禮盡殺之又潛陷罕拔投之水密約乃落忝同逆詭應禮以大兵壓境鳳于叅谷起象兵萬數分寇攻雷美蓋達午奎南甸木邦老姚思甸等處窺騰衝永昌大理蒙化順寧景東鎮沅沅江又燬順寧破蓋達又令曩烏甸緬甸兵六萬突至猛林指揮吳繼勳千戶徐應彩戰死而鄧川土知州何山與鳳僚婿也遣通事招鳳縛獻莽賊于七月同應禮犯姚關據灣甸芒布何知州力諭鳳始遣頭目已遣子亨來謁各道




俱厚遣之游擊劉綬又遣諭以禍福十二月方令妻子及大  
頭目龐漢等以夷民九十六人來綬徵金牌勅書詰招降蠻  
莫猛密贖罪明年正月朔鳳諸軍門降綬復分兵追緬擒能  
改刻里乜腿莽腦等又擣隴川曩烏亦降乃攜鳳等攻降蠻  
莫招撫孟養等處莽濶母答乘象走我師追之斬百餘人親  
縛莽濶母帥等殺緬賊萬餘獲偽符印綬又圍猛臉等罕度  
子招罕招色等三尖山叅將鄧子龍襲擒之西南平是役也  
鳳以一叛民篡故主而攘其印結連土舍勾引緬夷分道入  
寇傷殘數郡白骨青燐人至今切齒因及俘入輔臣以原約

不死于射堂面鞠勞以花幣曰且有爵賞明日伏法

于慎行曰中國制馭夷狄全在恩信不信則失恩失恩則  
傷體降而殺之非示恩也許而背之非示信也堂、天朝  
不能以兵力取勝誘降小夷致而殺之不但失恩信亦損  
威甚矣軍中机宜或用權譎朝中政體則貴正大否則非  
體也甲申之舉其亦未聞蘇定方之言耶

屬夷長昂以千餘騎入劉家口琵琶堡守兵拒卻之又糾西  
虜哈不慎等欲大舉謀聞

丙子治江南高竇湖隄



戊寅叙黔南功進申時行少師吏部尚書建極殿大學士廕  
尚寶司丞余有丁少傅戶部尚書建極殿大學士許國少保  
武英殿大學士各廕中書舍人  
總督雲貴川湖軍務劉世曾進右都御史兼兵部右侍郎仍  
巡撫貴州總兵官黔國公沐昌祚進太子太保加祿百石並  
廕錦衣衛百戶兵部尚書張學顏進太子太保餘各有差  
廕錦衣衛百戶兵部尚書張學顏進太子太保餘各有差  
巡撫延綏右僉都御史王加梅加右副都御史  
庚寅 上發京師往謁陵尋還至涼水河忽有驚馬突伏內  
上曰馬偶佚耳不問

辛卯還宮近年三幸昌平賴兵備僉事于達真整暇能不擾  
報東西虜入犯


丙申 上受賀皇極殿

戊戌保定總兵官署都指揮僉事張爵鎮守山西  
加定國公徐文壁太保彰武伯楊炳少傅各兼太子太傅  
己亥尚寶司卿王用汲為大理右少卿

庚子命張誠等回京時籍沒事竣

鎮守宣府總兵官趙宗璧罷

南刑科給事中阮子孝疏救郭惟賢御史潘惟岳等亦言之



奪首俸六月餘三月

壬寅欽天監上言推算萬曆十五年十一月癸酉朔日食依  
大統歷日食九十二秒若依回天歷不食已而回一果驗章  
下禮部

是月前南兵部尚書劉光濟卒

十月癸卯朔 上享太廟

丁巳諭停刑

庚申申時行自大峪山回京

壬戌禮部尚書陳經邦致仕

南右春坊右諭德趙志舉為左春坊右諭德兼侍讀洗馬吳  
中行為右春坊右諭德兼侍講纂脩玉牒

甲子平樂知府周初逮至削籍 上重其罪閣臣為寬之

刑部主事俞顯卿許奏禮部儀制主事屠隆前在西寧侯宋  
世恩所淫縱事及陳經邦命按之隆顯卿並除名世恩奪祿

半年

丙寅南工部尚書孫植致仕


以水旱電蝗免湖廣山東田租

丁卯吏部左侍郎沈鯉為禮部尚書兼學士

國權

萬曆十二年

三十



戊辰唐府湯陰王宙榮謚榮簡

庚午右春坊右贊善趙用賢為洗馬署司業

辛未侍讀田一儻為南右春坊右諭德署翰林院事

十一月癸酉朔初欽天監推大統歷當午刻日食九十二秒推

回、歷不食果回、歷不食

刑部左侍郎舒化為尚書右侍郎邱樞為左侍郎吏部右侍

郎陸光祖為左侍郎禮部右侍郎王家屏改吏部

丁丑少詹事沈一貫為禮部右侍郎

辛巳南戶部照磨蔡復賞上孔聖全書以輕率調外

壬午祭酒張位為少詹事兼侍讀學士署翰林院

癸未吏部左侍郎陸光祖為南工部尚書南工部右侍郎蕭

廩改刑部

甲申寧夏提兵官李响罷

直隸巡按御史周之翰劾陸光祖命留用

乙酉故刑部尚書毛愷戶部尚書馬森各贈太子太保

丙戌虜犯高墻鋪


丁亥貴州副提兵劉承嗣為征西將軍署都督僉事提兵官

鎮守寧夏

國權

萬曆十二年

三十一




夜月犯井宿

己丑大學士余有丁卒字雨仲浙江鄞縣人嘉靖壬戌進士授編脩歷春坊祭酒禮吏侍郎直閣同相申王和衷共事性寬大不設城府如救張居正無逆狀目陸光祖為正人其事尤著贈太傅謚文敏予祭塋

戶部右侍郎李世達改吏部左春坊左諭德徐顯卿為祭酒庚寅詔先臣王守仁陳獻章胡居仁從祀孔廟時朝議從祀不一禮部尚書沈鯉素簡王氏學彙奏曰謂胡居仁當祀則尚書楊巍王遴張學顏侍郎宋纁傅希摯謂胡居仁陳獻章


當祀則侍郎辛應乾謂陳獻章王守仁胡居仁當祀則尚書舒化左都趙錦侍郎倪寺光薦右通政陳瓚大理卿曾同亨少卿何源諭德吳中行都給事中齊世臣御史喻文煇龔一清陳遇文謂胡居仁呂柟當祀則尚書楊兆謂蔡清羅倫當祀則通使政叅議杜其驕謂王守仁陳獻章胡居仁蔡清當祀則侍郎周子義洗馬陳于陞謂王守仁羅倫陳獻章胡居仁當祀則大理寺丞羅應鶴謂胡居仁蔡清當祀則給事中王三餘王敬民謂胡居仁王守仁當祀則給事中顧問其未敢輕議者固不預焉侍郎石星謂守仁不當立門戶講學侍



郎左樞謂王守仁為禪侍郎王家屏謂從祀重典若今日入他日出之反累盛典臣等哀衆論為之較量其間惟胡居仁絕無訾及且有專舉王守仁陳獻章皆豪傑之士但諸臣與者十三否者十七甲可乙否請姑已之以俟論定申時行言王守仁致知出于大學良知本于孟子獻章主靜沿于周敦頤程顥非自創門戶也孝友如獻章功業如王守仁非禪也或者謂崇王則廢朱不知道固互相發明且陸與朱並祀矣朱學不聞以陸廢今獨以王廢之乎祀請二臣并胡居仁有旨皇祖嘗稱王守仁有用道學其與胡居仁陳獻章俱從

祀孔廟

王世貞曰今天下之為新建學者大率十而七諸不為新建學者以新建為異端豔其勲者疑其旨傳其跡者窺其衷此議之所由以參差也其致知良知一語簡切痛快定可接孟氏之性善而他訓詁章句小不盡合朱子耳非不盡合聖人也當正德時新建膺閭外之寄建不世之績而盟權犇牙角尔距之鋒全身遠害必有所謂權者而不要聞其詘節之寔柄在悍帥則悍帥擅挹之柄在中貴則中貴擲揄之柄在輔相則輔相媒孽之藉令馬季長杜元凱






而處此寧有是哉嗟乎若新建者又焉可勲疑近窺也簡  
討之學似不及新建博于六經羽翼亦淺然其表之光  
霽識見之超邁在孔門當遠出曾點上等之宋代亦堪鴈  
行周子蓋得聖人之心于見聞表者也新建恐所不及也  
胡布衣一篤行君子耳其書具存于道寔未有所悟于六  
經寔未有所發揮也祀居仁不若祀吳與弼與弼之毀以  
名重而毀也又竊以為寔學寔行得大儒識者亡若章懋  
羅欽順有識有用得大儒節者亡若王恕明之第一賢臣  
也所著石渠意見于聖經有聖發揮不啻賢于布衣之居

業錄也

何喬遠曰有明諸儒二百年來從祀孔子之廟者則有薛  
河東陳新會胡餘干王餘姚四子其他篤行尚侯更僕然  
就論四子之學則河東餘干恂、乎聖人之教而新會以  
靜餘姚以頌論者皆疑其入于陸氏之禪予觀新會少年  
盡讀天下之書晚節俛仰天地萬物喏然而悟而後教人  
以靜餘姚故馳騁經史文字最後得良知之說則皆未嘗  
不以學入者夫柰何以學入門不以設教也

設遷曰嘉靖初榜禁王氏之學謂毋踵襲邪說果于非聖



其詞厲矣及吳縣陰主從祀輒借皇祖所稱結天下之  
舌如意在絕廢遠則曰奉先帝宸斷援據藉口所謂繼  
述之善耶  
刑科給事中陳璧上言三事曰任事貴人民事貴查財用貴  
節從之

甲午少保左都督廣東總兵官戚繼光罷以兵科事中張希  
臯等劾之

禮科給事中李以謙論耿定向代陸光祖辨而詆周之翰非  
是有旨令進退予奪當聽朝廷處分言官各據寔大臣亦不

得偏執傷協和之體

丙申申時行請推閣臣從之


丁酉南兵部右侍郎毛綱改戶部甘肅巡撫董堯封為南工  
部右侍郎

逮四川崇慶知州陳邦謨下獄以採木科罰也

戊戌右軍都督僉事劉鳳祥為總兵官鎮守廣東

貴州新歸化苗頭撈柳等入貢

己亥山西右布政使曹子澄為右僉都御史巡撫甘肅  
辛丑尚寶司卿王鑑以謝恩聲徵奪俸二月



十二月癸丑朔無逸殿災諭脩省

甲辰王錫爵為禮部尚書兼文淵大學士王家屏為吏部右侍郎兼東閣大學士直文淵閣

辛酉戶部尚書王遴言六事崇節儉重農務督逋欠懲貪墨廣儲蓄飭貢市 上嘉納之

刑部上臨江知府錢若膺之獄 上欲即誅于其地申時行等言若膺所犯故禁平人法應秋決非決不待時者乞繫獄待論從之

壬戌予故大學士嚴訥祭墓謚文靖贈太保江南常熟人嘉

靖辛丑進士授編脩歷侍讀太常少卿吏禮工侍郎晉禮吏尚書加太子太保武英殿大學士訥爽愷多才略而文章妙一時當嚴氏嚴賄之日所守名位日隆則醇謹之效也

予故南工部尚書孫應鱉祭墓謚文恭字山甫貴平清平衛人嘉靖癸丑進士授戶科給事中出補江西按察使事遷陝西提學副使累進今官歷有官範


乙丑少詹事張位右諭德吳中行編修余孟麟檢討顧紹芳纂脩會典

戊辰起吳時來左通政

國權

萬曆十二年

二十六



國權

萬曆十三年乙酉

正月己卯 上享太廟

庚辰夜熒惑逆行入軒轅犯南第五星

泰寧衛都指揮僉事大成彙顏衛都指揮僉事伯彥帖忽思

福餘衛都指揮僉事那彥字來各貢馬自言守邊功例加幣

三衣一襲

壬午起海瑞為南右僉都御史

國權

萬曆十三年


一

藍官設遷孺木著

御史許子良等乞寬錢若廣奪其首俸三月  
予故刑部尚書毛愷謚  
庚午勅司禮太監孫守政備承天

*[Faint bleed-through text from the reverse side of the page]*

國家圖書館, NATIONAL CENTRAL LIBRARY, TAIWAN, R.O.C.



議虜零竊督撫官定報巡閱御史覈失事輕重分別奏請若  
真有斬獲量贖

鑄隴川宣撫司及孟定府印猛密安撫司進為宣撫司增安  
撫司二曰蠻莫曰耿馬長官司二曰猛臉曰猛養千戶所二  
曰姚關猛林砮皆隸鎮安並給印立大將行署于蠻莫

南京左軍都督府僉書楊鯉改中軍都督府

癸未石城王府奉國將軍拱栢有罪廢為庶人時請祿詔巡  
撫馬文煒


丙戌五軍營右副將李應祥為南左軍都督府僉書

戊子江西廣昌縣雨雹明日地震

己丑除閩考之法初外計三年內計六年後執政私指考察  
日閩考時叅政王時槐林梓等皆下考巡撫南贛張岳特薦  
之吏科謂非時閩考宜革不得妄請報可

辛卯皇次子常淑生尋夭封邵王謚曰哀

都督同知四川提兵官沈思學除名思學初平都掌蠻開府  
其地標兵頗驕驟裁之大噪焚其署凡死巡撫維遵不能制  
壬辰詔毀天下私創菴院書院以戶部尚書王遴從之禮  
部恐激變數日復諭都察院停之



瀾海門縣冊江糧

丁酉順天府通判周弘禴論兵部尚書張學顏太僕少卿李植吏科都給事中齊世臣忤旨謫弘禴


戊戌前撫治鄖陽右副都御史湯賓卒字繼寅直隸南皮人嘉靖庚戌進士知安福自戶部主事歷今官年七十二辛丑南左軍署都督僉事李應祥為總兵官鎮守四川

二月壬寅朔詔定科場事宜如嘉七年例遣朝臣主省試癸卯巡撫廣西吳善合廣東總兵戚繼光廣西總兵呼良朋擊懷集叛獍嚴秀珠等斬之

瞿九思曰金鵝之捷豈天欲殲除此屬耶何其滅之速也臣數其師捷之期猶不至三旬而百年之逋寇蕩滌殆盡哉江府十寨皆犁其穴而郡縣之其為金鵝諸巢善後策不少槩見何法曰多美勝少美不勝也夫猛獍難猝滅漸拔巢而郡縣之此多筭者也

甲辰好地坪番族郝卜羊家保等貢馬及方物土魯番頭目沙亦等貢方物套虜威正等道劫之巡按御史屠叔方請絕其撫賞聲言勦殺從之

丁未淮揚廬及上元江寧江浦六合地皆震



戊申夜熒惑星逆行自昨冬十一月辛亥失度歷星柳二舍有餘

壬子出官費三萬金繕慈寧宮

南右僉都御史海瑞為南吏部右侍郎應天府尹顧章志為南兵部右侍郎太僕寺卿袁三接為應天府尹

丙辰山東布政使右叅政馮敏功卒浙江平湖人嘉靖壬戌進士有治河功贈太僕寺卿

戊午西虜犯瀋陽靜遠堡遂掠懿路出蒲河之十方寺堡大肆殺掠

庚申太常少卿沈思孝提督四夷館


蠲順天屬縣田租

壬戌禮部主事蘇濬為浙江提學僉事時偏秋期濬歷試精敏無一失者

兵科左給事中王三餘論承天守備太監王禎違法十罪鑄禎三級安置南京

丁卯京師自去秋八月不雨河井涸命禮部祈雨

戊辰叙貴州平苗雲南平莽應禮功初貴州都勻府平定司苗阿韶樂平司苗樂王以土官宋瓚科索改隘司治恣殺掠



巡撫舒應乾龍擊斬百九十八級

庚午大同風霾傷人畜

前順天府尹李敏卒予祭葬

三月壬申朔始作壽宮御史鄧鍊以旱請停其役不聽

丁丑大風霾

錄建言諸臣以兵科給事中張維新請推及忠鯁遂下吏部  
品叙于是鄒元標兵部主事孫繼先刑部主事俱南京黃道  
瞻河間推官曾乾亨大名推官伍可受開封推官馮景隆南  
陽推官譚希忠欽州判官


論止內操兵科都給事中王致祥等言國法非宿衛不得持  
寸兵今群不逞之徒授以利兵出入禁門莫可問或有奸人  
竄跡為禍豈有既哉不報  
南戶部尚書魏學曾致仕

戊寅山西山陰縣地震十五日

已卯詔改折各省直漕糧百五十萬石甲字庫棉布十

萬一千四百十匹承運庫絹四萬三千五百二十二疋

南戶部署郎中唐伯元言王守仁不宜從祀又進石經大學  
云出安福貢士鄒應溥南兵科給事中鍾汝醇摘其妄謫伯





元海州判

提督倉場戶部左侍郎傅希聲為南戶部尚書順天巡撫張國彥為戶部右侍郎

土魯番入貢

雲南獻馴象

甲申大雩

己丑巡撫遼東侍郎李松提兵李成梁出師大敗虜于塞外斬八百二十四級獲馬五百四十九匹我兵失亡六百九十三人時虜伯言把都復糾鄧兒台吉萬餘騎犯瀋陽游擊周

思孝逐之虜走遼河李成梁追破之出寨百五十里奏大捷工科給事中張棟請盡免帶徵錢糧戶部尚書王遴為常賦不可輕免猶罪人不可輕赦、罪之令屢下而犯法益眾免賦之令屢下而逋負益多臣愚以為本年之起運全完然後先年之帶徵可免 上是之

庚寅 上偶不豫

定山東徭役刊書為永利


兵部尚書張學顏致仕

戶部左侍郎宋纁提督倉場

國權

萬曆十三年


六



前少師兼太子太師中極殿大學士李春芳卒字 江南  
揚州興化人嘉靖丁未進士授編脩歷前秩冲夷有度性喜  
接引天下賢士避遠權勢卒年七十有五贈太師謚文定予  
祭塋

壬辰尚寶司丞徐貞明加少卿賜勅同撫按勘議京東水利  
初順天巡撫張國彥兵備副使顧養謙興水田于薊永玉田  
豐潤而效故工科都給事中王敬民薦貞明素留心可任從  
之貞明謂凡民難與慮始條款則以釋民疑 上命撫按官  
曉諭所在軍民而巡閱御史蘇鄴又言治水與墾田相濟未

有水不治而田可墾者畿內之水為患莫如蘆溝滹沱之河  
蘆河出桑乾沱河出秦戲源遠流長又合涑易濡電沙滋諸  
水散入各淀而泉渠溪港悉從而注之是以高橋白洋等淀  
大者廣圍一二百里次四五百里滙為巨浸每當夏秋霖潦  
膏腴變為瀉鹵菽麥化為菴蒲矣夫除水患有三曰濬河以  
決其壅也曰疏渠以殺其勢也曰撤曲防以均其利也唐刺  
史盧暉于河間開長豐渠引水東流以溉田宋臨津令黃懋  
屯田雄莫等州置斗門引淀水灌溉民賴其利嘉靖初巡撫  
許宗魯濬三岔口引渚淀入海而景州知州劉深開千頃窪



導決河入渠民免水患此皆古人遺法而近日行之有效者  
也疏<sup>上</sup>下并下貞明徧歷郊閩與撫按各道講疏濬濬蓄之法  
于慎行曰徐貞明開水田于京東竟以中貴居民交稱不  
便而止議者多惜其功之不成然不知縱使盡行其說亦  
未必能興也何者江南江北天時地利人力物有不同江  
北雨水多在秋初江南雨水多在孟春當被潤澤之期是  
此亢旱之日其不相合一也江南土潤而細水可停蓄江  
北土燥而疏易于涸竭非有蓄泄之備可以裒益其不相  
合二也江南之民火耕水耨不以為勞江北之民濡水塗

四足目未所覩即多募農民未必樂就其不相合三也惟是  
流泉大川可以引溉則人官之有能有所展布而不可多  
多得也至若橫潦瀾漫極目無際沮洳斥鹵千里不毛即  
有巧匠亦莫施其能矣故水利之不可開亦勢然也豈盡  
時政圖恬謏論牽制而然  
詔減浙江織幣從巡撫王世揚之請初歲織萬匹後加二千  
匹至是歲再運各四千匹


吏部推董基南京禮部主事不允

魯王頤坦以宗室驕橫難制疏辭管理

國權

萬曆十三年

八



詔減尚衣監料銀

釋方孝孺等成籍浙江七百十三人江西三百七十一人福建二百四十四人四川四十一人廣東三十四人畢鏘為戶部尚書王遴為兵部尚書

封秦世孫效壙為秦世子恬燁德平王宣塔華陽王

庚子通政使司倪光薦加工部尚書巡撫福建趙可懷加右副都御史巡撫順天

雲南金騰武寧兵噪圍叅將張應龍以賄解

四月壬寅朔上享太廟太常卿沈人紳折旋失度時吏部推為右副都御史巡撫福建疏留不下閣臣為解之

丙子大雩

丁未東虜哈不慎寇邊初入犯草其賞怨我也


故御史贈光祿少卿劉臺子孟銑廢入監

刑部右侍郎邱樞為南吏部尚書左副都御史耿定向為刑部左侍郎太常寺卿沈人紳為右副都御史巡撫福建

減湖廣荆衡長沙辰靖等府衛軍餉米

戊申釋輕囚詔釋鳳陽廢宗百四十六人

張岳為左僉都御史岳上四議馬市宗藩條編治河等事竟



不行

賑鄖陽襄陽飢

辛亥徵南京戶部十萬金餉雲南

問刑條例成刑部尚書舒化與吏部尚書楊魏輯嘉靖十四

年以後詔令及宗藩條例軍政條例捕盜條例漕運議單閣

于刑名者凡三百八十二則刊布中外

大理少卿何海為太常寺卿吏部文選郎中陳有年為太常

寺少卿

壬子萬全都司有星如火天鼓鳴如雷

發南戶部二十萬金子四川採木

癸丑城宣府南衛青泉等十三堡

乙卯諭閣臣朕步禱南郊

初御史鄧鍊言四事緩壽官之建減燒造之費行賑濟之定

寬贖鍰之進是日中使持奏至內閣傳磁器如屏風燭臺博

局罇壘已成者輸之未造則止閣臣言大龍在亦難成并乞

傳之報可


夜月食

丙辰 上致齋武英殿賜申時行布二許國王家屏各一

國權

萬曆十三年

十



丁巳告奉先殿

戊午昧爽 上御布素步禱雨南郊往返殆二十里勅部院

曰天時亢旱雖朕不德所致亦天下有司貪贍酷害上千天

和今後爾部宜慎選都察院移文申飭之

詔郡縣免被災今年田租

庚申葬邵哀王

予故南京吏部尚書王本固都督僉事宣府總兵官趙崇璧

祭塋

左都御史趙錦加兵部尚書時通政尚書倪光薦秩久班錦

上錦謂非制率院司之體故有是命

壬戌大風霾

南京提督操江右僉都御史趙煥為南右副都御史南太僕

寺卿蕭崇業為右僉都御史提督操江

乙丑 虹縣小河北民家涌血民驚走至市亦流血

命閣臣序明心寶鏡 上宮中偶見而悅之

南光祿寺卿周弘祖衣緋謁孝陵見糾削籍


戊辰御史蔡系周劾太僕少卿李植謂官省事秘誰能知者

而植則曰 皇上呼已為兒每觀籍沒寶玩則必喜遂市其

國權

萬曆十三年

土



重鬻獄漁色靡事不為又植資吳中行等之陰謀中行等亦  
借植之威勢植迫欲中行之拜相而善其後中行亦迫欲植  
之冢宰而行其私江西道御史孫愈賢亦勸之于是尚寶司  
少卿羊可立言向者馮保假張居正蔽主專權臺省諸臣並  
攻之一時奸黨懷彼私恩造為無影之言轉播中外傾陷直  
臣以為李植不去則馮保不來故首攻植漸及于臣因乞罷  
申時行等揭請詰可立奸黨為誰上手勅閣臣曰卿等欲  
可立摘奸黨急之恐無指于國體謂何今發一札俾今後諫  
臣不可逞私啟爭明日諭察院曰諫官務存國家大體何

都


得逞私滅公今後瑣瀆重治毋貸遂批可立疏曰馮保張居  
正事出朕獨斷誰敢懷報復自干憲典以後不許借言奸  
黨攻訐爭辨

私

設遷曰大臣休之量在茹納眾流如疏稱奸黨于擬旨  
時詰發猶分宜之故智也乃專揭以詰亡論度不足而識  
亦短矣讀上手勅有不心愧者乎

太僕少植卿李植左諭德吳中行太常光祿少卿沈思孝江  
東之各乞休不允

太僕少卿石應岳為南太僕寺卿陝西左布政使孫坤為南



光祿寺卿

三月辛未朔開陝西西安鳳翔漢中茶禁

乙亥甘肅巡撫董堯封為南工部右侍郎堯封母老乞終養  
允之

丙子錄瀋陽功李成梁益祿百石子如楨進都指揮使世襲  
總督張佳胤進太子太保前廢錦衣百戶進副千戶世襲巡  
撫李松進兵部左侍郎廢如佳胤並賜金幣餘有差  
丁丑永年伯王偉請換官宅一區以濫乞不許

己卯以戶部戶科各請停買黃金諭減其二閣臣揭上減三

分之一

庚辰推撫治鄖陽方弘靜為南工部右侍郎上以其驟詰


吏部

辛未雜谷安撫司番僧入貢

邵陽王府鎮國中尉懷璋以殺弟廢為庶人錮閑宅

乙酉宛平五河大雨雹

戶部署負外郎聞道立以旱災陳三事曰法祖宗之制以勤  
召對推蠲貸之仁以議大工廣欽恤之惠以一法紀云故相  
張居正之處乾綱獨斷正其罪遂其黨矣但其母已在垂暮





之年兼罹憂苦恐所給之田不足贍而曾省吾以寄贖取盈  
追償勢必株連恐 皇祖潛龍之鄉不免亡猿之禍今荆南  
一路首被災荒請下法司量行豁免 上怒其出位鑄一級  
調外

丙戌雨

折浙江漕糧十之三

丁亥虜犯瀋陽殺游擊韓元功

南戶部山東司主事王鏐以地連震言脩省八事曰務節儉  
廣言路親賢臣慎任使核寔政擇要職重守令育賢才 上

是之


已丑 上朝罷召輔臣于平臺以陝西巡按董子行疏示申  
時行曰撫鎮官親歷地方巡撫歲一至總兵歲再至又巡撫  
久任責成又邊上兵備宜優免又邊郡同知通判等破格遷  
除又邊務重大撫鎮官不親歷專委下吏豈不憤事對曰巡  
撫遷轉昨方弘靜以任淺不許陞臣深服聖斷 上曰任久  
寧加俸銜毋易輕也

丙申雲南車里宣慰司刀孺猛來降獻馴象方物沅江土舍  
那恕招之也命襲祖職賜那恕金幣

國權

萬曆十三年

十四



洗馬署司業趙用賢兼脩撰同左春坊左諭德趙志舉等纂脩玉牒

大理寺卿張益男為南工部右侍郎南太常寺卿方九功為南大理寺卿

六月庚子朔南司業劉城改北右通政陳瓚為南太常寺卿太僕少卿沈玄華為右通政

辛丑慈寧宮成始甲申三月費四十萬廢賚輔臣工部尚書楊兆進太子太保侍郎何起鳴進尚書太監張誠磨錦衣衛千戶張鯨張禎並百戶

壬戌懷柔伯施光祖夜挾使執于邏卒罰歲俸

薊鎮兵備副使顧養謙為右僉都御史巡撫遼東

屬夷董狐狸款閔獻人畜服罪復市賞

乙丑初萬歷八年安南與廣西所轄雷峒歸順之土司爭疆已割雷峒六甲十二鄉地予之今使至仍言失地禮部請諭止從之

征西將軍都督僉事寧夏提兵官劉承嗣改平羗將軍鎮守


甘肅

丁卯令嚴衛嚴緝蜚語時御史孫愈賢蔡系周既論李植有

國權

萬歷十三年

十五



旨匿名書謂閣臣許國謀去植等授意二御史刑科給事中

劉尚忠以聞


松潘夷犯普安堡殺百戶陳克勤

十月庚午朔 上享太廟

癸酉右春坊右諭德于慎行李長春主試應天時各省先後  
遣朝臣主試浙江翰林脩撰孫繼臯刑科右給事中常居敬  
江西翰林編脩余應麟吏科右給事中葉時及福建翰林編  
脩黃洪憲兵部主事蔡文範湖廣翰林檢討張應元禮部員  
外郎李同芳河南禮科右給事中陳大科吏部主事鄒觀光

山東兵科左給事中王三餘禮部主事孫成名山西吏刑部  
員外教王教魏允孚陝西禮科右給事中田疇戶部主事蕭  
良舉四川兵科右事給中唐堯欽刑部主事王德新廣東吏  
科左給事中楊廷相兵部員外郎江鐸廣西工科給事中張  
棟刑部主事林兆珂雲南吏科給事中楊文舉戶部主事彭  
慶祖貴州工部員外郎周夢賜刑部主事熊敦朴

吏科給事中盧達言四事曰重綸音如壬午覃恩四閱歲矣  
京官猶未給文乞撰者以期上曰酌叙遷京堂四五品當論  
俸不專論資望速開化曰疏貢塗嘉靖八年乙榜定選學正





南禮部郎中馬應圖請輕閣權言今事權漸重恩賞太驟召對不廣且盛稱李植江東之吳中行沈思孝而刺齊世臣孫愈賢蔡系周吳定龔懋賢以及楊巍上怒其奸私謫大同典史給事中王致祥等御史柴祥等攻應圖謂國子博士陳泰來所具草也章下所司

已酉京師地震

降李植江東之戶兵部員外郎羊可立大理評事初植等負氣悻悻閣部相構不休壽宮議起傾申時行陰推王錫爵薦侍郎張岳太常寺卿何源善彤家言錫爵等各疏辨錫爵曰

諸臣先後疏自曰孤臣曰善類夫孤臣為不得志于君父也今諸臣得君此其臣不孤愛蹠之分在善與利今諸臣豈盡為公此其類未必善上意動曰工科給事中王敬民疏手批鑄級

設遷曰李植等始櫻其鱗終觸其藩尚口乃窮不其然與太倉摘孤臣善類微文刺訛類于輕儇無閑邪正而實錄獨詆李植等非通論也


西虜哈不慎犯雲川堡

癸丑慈聖皇太后還御新宮

國權

萬曆十三年

六



乙卯朝鮮及朶顏等衛賀萬壽節

己未兵部右侍郎陰武卿為南工部尚書南尚寶司卿余懋學光祿少卿趙參魯並為太僕少卿

庚申兵部尚書王遴叅新寧伯譚國佐布政使徐元氣等入賀萬壽擅乘傳奪俸有差

夷酋小阿卜戶叩關服罪求復馬松二路撫賞許之

刑部右侍郎蕭廩為兵部左侍郎左副都御史張岳改刑部右侍郎

乙丑以大峪山圖西北微有石欲前之命定國公徐文璧大

學士申時行太監張誠再閱

丁卯申時行報命論閏九月六日朕自往

九月戊辰朔左副都御史張岳罷岳直陳閣事疏列二十二

閣臣申時行許國王錫爵尚書楊巍舒化陸光祖給事中齊


世臣御史吳定孫愈賢皆極褒美而微刺之脩撰趙用賢侍

講吳中行府尹沈思孝博士陳泰來郎中馬應圖無訛馬李

植江東之羊可立當令宣力一方賞功惜才故尚書潘季馴

御史龔懋賢蔡系周龔仲慶誚訛特深 上切責其枝蔓于

是吏科給事中袁國臣等劾之岳佐憲屢對人言閣臣之失



將糾之故閣臣轉以刑侍果疏上國臣等誣其貪黷傾陷宰  
輔

己巳蠲河南陽武等縣災租 壬申夜月犯房宿北第一星

南太常寺卿陳瓚為左副都御史南光祿寺卿孫坤為南太

常寺卿大理少卿敖鯤為南光祿寺卿


晉王敏淳年少命寧河王知吳佐之惟錢穀無預

夷酋長昂以姨母叩闕服罪求復撫賞許之并諸佛經圖記

惟予佛經

乙亥戶科給事中蕭彥言西北水利當成有四當審亦有四

國家定鼎燕京轉漕東南水利既興昔取諸東南今取諸堂  
奧之外當成一也西北有水利東南可以息肩漕輓之費省  
當成二也虜善騎不善步溝洫有制是不墻而堵不兵而備  
當成三也昔為曠莽今為蕃育生聚教訓安適長利當成四  
也然西北不諳水田驅而為之緩則無濟急則有戾是人情  
當審也墾田每邑不下千人派之民耶厲矣徵之江南耶齋  
糧遠赴有望之而走耳是墾田當審也臣往閱寧夏古之役  
稱塞北江南有素有水田藉漢唐二渠不煩微力然往就  
荒驅之領田如赴湯火又嘗閱甘肅先撫臣楊錦墾田軍不



領種分派各堡另立墾軍卒無成功此邊人之習墾田萬頃  
法當給五萬人若曰自領之而自墾之脫無領者將不墾乎  
是領田之戶當審也沿邊曠土軍民利而種之久之墾而為  
田勢必起科能欣然就乎至于曠野有沙壓之虞水濱有泛  
濫之憂一相度皆可知是起科當審也章下所司  
丁丑尚寶司少卿徐貞明兼監察御史領墾田使鑄督理墾  
田關防戶部請專責成寬課督善訓率廣招徠時賑貸闕久  
荒蘇久役上從之貞明免治河募金築隄乃之薊州招南  
兵之習農者使治田仍餉之墾闢以億計畝收一鐘守臣將

次第課耕


大理寺卿吳時來為刑部右侍郎  
江西臨江人訴知府錢若膺之寃上怒下獄訊之  
辛巳諭兵部徵十萬金戶科右給事中楊芳言之不聽  
前兵部左侍郎冀鍊卒山東益都人字嘉靖甲辰進士  
官知縣遷戶部主事歷光祿少卿順天府丞以都御史巡撫  
河南改宣府兼兵部右侍郎予吉起南兵部轉戶部未任常  
有邊功予祭塋

廣東程鄉妖人劉青山伏誅

國權

萬曆十三年

二十一





丁亥故游擊將軍韓元功贈都督同知世本衛千戶

戊子夜夢出羽林旁形如彈丸尾長尺指東北其色蒼每夕漸東而縮

南刑部尚書陳道基論罷

兵部尚書王遴罷時御用監稱駕出徵馬若干匹遴以故事本監印由司禮監傳奉會出極門發科抄無本監徑赴部者因執奏上以宿留切責之  
壬辰勅武清伯李文全太子少保兵部尚書兼左都御史趙錦居守

提漕戶部尚書王廷瞻改南刑部尚書

甲午 上聞牛生麟雖斃令撫按以皮進初產邑人曹國家隆宗室勤儉上其圖巡按劉士忠上言麟不恒有于天下即有之亦未能識况其物已斃焉得為祥 上怒仍趣進

吏部左侍郎周子義予告

乙未鎮江地震

閏九月戊戌賑鳳陽淮安


前兵部右侍郎楊俊民為戶部右侍郎提督漕河事務巡撫

鳳陽

國權

萬曆十三年

三




叙閱視勞摠督宣大鄭維進太子少傅廕錦衣衛百戶餘各有差

廣東開建縣廣西懷賀二縣界金鵝黃沙諸峒為盜窟摠督吳文華會兩省兵勦之斬七百九十一級俘二百人而廣西復有府江之捷府江為粵中孔道江之兩岬峰巒幽巖犴獍窟居之通洛容象州諸賊巢出沒為亂官軍討之斬九百三十四級俘一百九人獲賊屬七百餘人廕賚有差

癸卯 上發京師宿警華城

甲辰午次感恩殿

乙巳謁長陵永陵昭陵畢閱大峪山是日尚書楊巍畢鏘沈鯉舒化楊兆何起鳴倪光薦侍郎石星辛應乾僉都御史趙煥大理寺少卿王用太常寺卿何源禮科都給事中王三<sub>汲</sub>餘御史周希旦武臣定國公徐文璧恭順侯吳繼爵等皆疏請弗改卜申時行以徐學謨故力護之舒化何源咸諳地術始薄大峪亦改舌順天府尹沈思孝語申時曰行事甚大不宜上言臣前同禮官採術者奏用大峪今多言地未善章下禮官詳擇不妨更易如此則為國遠謀也時行首肯卒不上言思孝詰之荅曰某向與張宏交惡懼其借辭故欲如君言





一二近侍以盡聖聰而指多口至于舉朝保奏阿后土以欺皇天乘龍之日才二十餘年寢園不守其禍最速則當時異論要未可盡非也

丁未 上早發宿功德寺行宮

戊申還宮

癸丑夜月食

朶顏衛頭目咬兒幹求都指揮僉事約束部夷勅許之

乙卯提督薊遼張佳胤還兵部任初部推佳胤及鄭洛部光先命再推則及工部尚書楊兆兵部侍郎王一鶚外傳 上

屬意兆御史李瑄顧雲程黃紀賢前論去王遴因奏遴寔剛  
懷兆尤熟軟棄遴用兆猶朝三暮四也 上以窺探各奪俸

二月


東虜銀燈煖兔西虜以兕鄧等合數萬騎犯蒲河瀋陽殺中軍張良棟把總張治李成梁聞之命叅將李平胡等自大靜堡尖山門出塞三百五十餘里伏于那林遣蒼頭軍先挑虜破之斬百有八級虜乃遁

馮時可曰近日邊功大都出塞搗巢或以為生事啟衅者非也大虜以秋寇用彼之長而我以春搗襲彼之短虜能

國權

萬曆十三年

二五




來我亦能往使彼虜有所創而我輒有所敵舍是則計畫  
無任矣大率虜資畜擾馬皆野宿一遇深雪則所掠中國  
馬不能呵雪齒草莫不倒死虜馬雖啣草根僅活而已故  
宿草既盡新草未生之際用間諜出游兵搗之可以得志  
虜則犬羊順則馴之逆則震之文帝答虜詔云漢過不先  
大哉言乎先則為馴後則為威

戊午第 公主薨追封靜樂公主

庶吉士鄒德溥王苴葉向高周應賓方從哲為編脩葛曦徐  
待聘楊元祥鄧宗齡季道統為檢討姜應麟梅國樓邵慶胡

世麟史孟麟為史給事中吳龍徵沈權王之棟徐大化楊紹  
程梅鷗祚為御史竄中立劉大武為主事  
復虜套寧夏互市于清水中衛平虜三厥初虜抄胡兒青把  
都諸酋請迎佛戀牧河西市厥隔遠故撫臣改于甘鎮之扁  
都至是諸酋挫于回達漸歸巢矣故復舊  
巡撫順天兵部左侍郎兼右僉都御史王一鶚提督薊遼保  
定兼理糧餉

太常寺卿何源為大理寺卿光祿寺卿嚴大紀為太常寺卿  
太僕寺卿秦耀為光祿寺卿太常少卿裴應章為太僕寺卿




湖廣按察使蹇達為右僉都御史整飭薊州兵備巡撫順天  
庚申以覆定壽官諭天下停刑刑部請各省直如京師例也  
刑科左給事中王繼先奏近日兵部題覆閱視提督鄭洛加  
太子少傅廕錦衣百戶張佳胤廕國子監臣竊以為過也夫  
邊圉無事諸臣脩理莞鑰脩理微勞亦其分內即使城隍盡  
浚墩堡盡脩以視戰功萬、不侔况未必然乎 皇上不過  
曰整理邊務効有勞績如是而已而遽賞奕世之賞如持左  
券歲復一歲在邊臣視為應得而何有于激勸之寔萬歷三  
年閱視恩例在督撫不過獎以勅書賚以金幣未及陞廕允

為中制迨七年稍優以官階廕監一人以巧營得之乃今日  
宮保不已而廕矣廕監不已而又錦衣矣當念名器之重閱  
視行賞悉倣三年例令洛等辭廕 上是之命以後毋濫  
戶部覆給事中姚學閔請各邊各省墾荒鑿陂塘築圩圩負  
戶則資以牛種倉穀所開地每畝納穀三升 上命撫接力  
行之

十月丁卯朔起孫維清太常寺卿

戊辰北闈貢士史記純為編脩史鈎子馮詩張維寧為侍講  
張一桂客董邵陳邦訓楊日章孫唵胡正道俱竄籍 上聞



之諭各部院禁偉門竄籍于是禮科給事中鍾羽正劾史記  
純等八人提學副使董裕鑄一秩械竄籍以徇張維寧預焉  
史鈞免一桂降南京兵部負外郎初諸生順天張元吉落第  
造蜚語謂浙江人冒籍妨畿士元吉與外戚鄭氏通姻故以  
此脩郤

屬夷趕鬼妻叩闕求復撫賞許之

庚午陝西總兵官署都督僉事李迎恩為都督僉事總兵官  
鎮守山西  
雲南總兵官沐昌祚請設坐營中軍視各邊總鎮以非制也

不許

巡按湖廣御史任養心奏承天府推官李槃多硃筆增改試  
卷主考檢討張應元負外郎李同芳失察命奪俸半年謫槃  
吏部尚書楊巍考滿進太子少保  
封秦王弟誼漣紫陽王誼涉鎮國將軍仍支中尉祿禮部謂  
非制誼漣祖懷堪以鎮國中尉進封及孫誼澐為王誼漣誼  
涉宜中尉不聽


壬申江南泰州地震

癸酉夜彗見旋滅

國權

萬曆十三年


二十六



南御史王學曾言麟產于光山九重何以知之無亦左右訪外為容悅耳有旨朕原不好異物麟皮偶一取視未嘗侈禎祥自賀王學曾沽名云左右取悅何不指名鑄一級降興國州推官

丙子雲南道御史蔡時鼎言近日科場蜚語直達御前夫匿名告訐律有明禁諸司尚不得妄投何況宮禁清嚴之地縱其事盡公其言盡寔猶恐啟讒間之門廣告訐之路矧又假寔濟誣因公遂私臣願陛下自今凡百机務仍普示外廷明辨是非毋以群臣之言皆不足信毋以親狎之言槩不足

疑上怒手札諭閣臣重處許國王家屏在直疏請罰俸半年且名列申時行王錫爵不聽謫時鼎馬邑典史中旨既下又調知冒籍貢士董邵等解發寬縱仍衣冠出阜城門就入便門責順天尹對狀于是許國王家屏疏救曰人主萬幾之繁其任愈大其體愈尊必也猜防苛細即聽斷甚精如漢宣帝唐德宗何補于治且使奸人乘机中傷將來之患不可勝言上怒次日手札曰朕嚴冒籍以端士風近因黨救訛上使人視問其縱法之罪卿等乃以為細必若所言是處朕于蒙昧而事皆聽決于下卿等其安心安耶二臣疏謝執爭如






初上意稍解府尹沈思孝奏伏罪奪俸級三等  
壬午前少師兼太子太師吏部尚書中極殿大學士張四維  
卒字 山西蒲州人嘉靖癸丑進士授編脩歷春坊中允  
翰林學士擢吏部左侍郎署詹事府萬歷三年以禮部尚書  
兼東閣大學士累進前秩四維與張居正共事最久居正秉  
政頗尚鍥急會其卒密疏請寬大罷一切法令又請拔海內  
直士抑者已言路倚揆諸黨又請與之更始時論多之嘗  
稱楊一清翁萬達氣略磊砢無書生氣蓋自况云贈太師謚  
文毅予祭葬

甲申南提督操江右僉都御史蕭崇業求養母應天府尹王  
三接引年並許之

祭酒徐顯卿為少詹事直日講

先是巡撫四川維遵言松潘等處大小粟谷諸岩番殺掠當  
討始用兵遵去寂然兵科給事中王致祥奏番人亂者止一  
若既用大師未免張皇搃兵李應祥以新將御悍卒所徵播  
州天全諸土司兵未易集亦調度需人兵部覆以為失策  
于是申時行等言松潘疊茂即古維州吐番地本朝列戍略  
示羈縻然山谷險遠糧運艱難醜夷聚如蜂蟻散如馬獸在



劉為聲撫為權如一種作惡出其不意殲厥巨魁或毀其碉  
房或燒其青稞名曰鷓鴣剿其餘各種並不搜求故番人懷德  
畏威雖小有草竊旋即底定此制馭諸番之要術也今該省  
官輕率寡謀一聞有警輒徵大兵番人聞知得以為備且四  
川採木民間騷動軍餉空虛若兵連禍結為患非小矣明日  
上諭兵部下鎮撫相機制置毋貪功毋釀亂  
直隸房山縣馬永亨加永平府同知時多礦盜故特重其權  
十一月戊戌右副都御史孫玉揚為應天府尹  
時南郊遣祀禮科都給事中王三餘言未可以為常 上以

不早請詰而宥之

癸卯右春坊右諭德兼侍講韓世能為祭酒

東西二虜貢馬例從宣大督撫同進時虜卜石鬼請賞未


西

定提督宣大鄭洛請順義王先貢許之

戶部員外郎王一鳳管德州倉以剪銀邊成邊

貴州黎平苗秦銀應喬等作亂

己酉吏科都給事中齊世臣等言薊遼提督張佳胤薦真定  
知縣江中信堪行取巡撫保定賈三近劾其縱肆擬降閑散  
同一官同一時豈朝夷莫躡變幻無常哉何甲可乙否顛倒



一言于此 上命巡按御史詰之

夜月犯畢宿北第一星

甲寅廣東右布政使滕伯輪為右僉都御史提督操江


江西布政使左叅政王希元削籍希元先任福建提學副使  
行部崇安以故御史朱璉作令崇安率諸生立祠自撰碑記  
至是巡撫沈人种以聞吏部擬調簡 上以卑謫斥之

丁巳松潘夷犯平夷堡巡撫徐元泰請兵之命大舉初松潘  
南黃沙填雪山諸羗國師刺麻多數有四十八寨與西虜賓  
鬼結諸小種豪灣仲占柯等附之出沙黃沙陘中伺使劫掠

殺軍尉二人再駭北道不通徐元泰傳諭威德羗衆數千嘗  
我官軍至封剝腎腸纏牛角而奔之遂決勦巡按御史陳瑄  
議同與摠兵李應祥發卒分隸四校右布政使朱孟震主餉  
副使王鳳竹監軍

戊午右春坊右諭德兼侍講學士李長春清理貼黃  
夜月犯角宿南第一星

雲南副摠兵劉綎降游擊將軍綎故名將子部曲多健兒恃  
以自雄始征緬甸勒兵金沙江築將壇于王驥舊地糾合諸  
夷收功斬馘而性貪馭下不嚴還兵騰衝皆甲而噪以把摠



廖文耀王化龍等冠餉也焚城民居百七十餘家知州某肘  
印而走綖自蠻而馳至以五百人自衛兵不敢動亦莫  
肯還乃出私財犒之又支餉每人予一金始定復至行署而  
思順逃按巡奏綖受思順金寶牙飾諸物又縱謝世祿夏世  
勲陳其正等淫其妻妹思順不堪倉皇出奔宜治綖罪上  
念其功降秩下世祿等臺訊  
貸食五城貧民米千三百八十六石薪若干給二千九百四  
十四人至孟春止  
提督陝西三邊右僉都御史兼兵部右侍郎部光先進兵部

尚書銜

塞山東登州龍灣決河

甲子六安罪人夏鉞上疏株連多人下內閣欲逮其首惡閣  
臣謂下民事一一煩宸聽將來不勝其瀆下撫按從之

丙寅順義王乞慶哈上表貢馬

十二月丁卯朔裁惜薪司冗官減大炭十五萬金初易州山廠  
內臣至五百六十八人歲支大炭八十五萬斤邊商苦之


設 滕縣沙溝鎮守備裁沙溝犁溝二巡檢司

減四川採木三之一

國權

萬曆十三年

三三



命尚寶司五年清覈牙牌祭牌金牌銅牌令牌銅符等司丞  
二人領其事

御史饒位薦前大理寺丞傅應楨行太僕少卿顏鯨廣東提  
舉司管志道福建按察僉事甘雨戶科給事中姜志麟又薦  
太僕寺丞蔡悉泰議李盛春章下所司

庚午播州宣慰使楊應龍貢馬三十匹大木六十

少詹事張位為詹事右諭德于慎行洗馬陳于陞俱為侍讀

學士  
庚辰寧陽侯陳應詔署府軍前衛事保定提兵官右都督楊

四畏為中軍都督府僉書

辛巳麗江知府木旺貢馬求旌額禮部謂無例乃賜勅


烏思藏大乘法王及長河宣慰使司番僧邑錯領真等入貢  
例賞約九千二百金有奇工部以節慎庫匱議移之四川布  
政使番僧訴于禮部引萬歷六年奉旨事仍命工部給之

予故南太常寺卿萬思謙祭葬

復薊鎮遵化輜重營及其將領

甲申編脩黃洪憲曾朝節為侍讀侍講

鎮守保定提兵官署都督同知董一元為鎮朔將軍提兵官



鎮守宣守都督僉事侯繼高為總兵官鎮守浙江張邦奇為  
總兵官鎮守居庸昌平陶世臣為總兵官鎮守保定  
諭兵部寧陽侯年幼何遽推莞事其另推今後推勲臣具年  
籍以聞

乙酉冊瑞安長公主尚駙馬都尉萬煒

御史牟志登劾總督鄭洛十二罪內云廣人蔣遵箴附故輔  
為文選郎中妻沒聞洛有女求之不得託王篆求之亦不得  
適宣大闕出脅洛成婚遂有總督之命洛妻聞而哭絕云  
奪志登俸六月

總漕戶部尚書王廷瞻改南刑部尚書

己丑風霾


兵科給事中邵庶劾京城巡捕都督僉事李如松薊鎮副總  
兵指揮同知李如柏兄弟並從門廕列位樞杌所為多不法  
上以如松並如柏並因戰功與常廕不同毋苛及也

壬辰鎮守湖廣總兵官懷寧侯孫世芳提督漕運鎮守淮安  
軍政考察罷山西總兵官張爵陝西總兵官李真  
虜酋哈不慎立誓悔罪求貢市復之

乙未 上裕祭太廟

國權

萬曆十三年



雲南羅雄人者繼宗作亂巡撫劉世曾搃兵劉綎討之斬者  
繼宗俘千餘人降四千人貴州巡撫舒應龍協攻斬五十餘  
級降一萬一千四百人事平移曲靖府左中所于羅雄曰定  
雄所

順義王乞慶哈黃台吉死


瞿九思曰妒媚生患信哉乞慶哈始為將軍已慄悍雄諸  
部又蕩佚皆莫敢誰何已得辭王爵遂蒸父妾淫益甚然  
不二載而哈旋物故豈非好色必亡者乎又聞三娘子與  
乞慶哈相若甚妒始為俺荅妾亦奪矮克哈屯之權矮克

卒快而死乃不得受我漢封哉夫矮克哈屯故乞慶哈  
母也何乃忘母大怨甚至散其諸婦而又寵之疑其早死  
而不克王位也

前南吏部尚書邱樞卒字

山東諸城人嘉靖庚戌進士


授行人擢刑科給事中歷兵科都給事中以薊遼邊事被杖  
除名後起禮科進南太常少卿轉大理寺予告已起右通政  
進刑部右侍郎遷尚書贈太子少保謚簡肅予祭葬








國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



















國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.






3393425 v.42



國家圖書館, NATIONAL CENTRAL LIBRARY, TAIWAN, R.O.C.





國權

萬曆十四年丙戌

正月庚子 皇次子常洵生貴妃鄭氏出

辛丑傳陞禮儀房供事錦衣衛指揮僉事等殆百餘人兵科

都給事中顧九思等諫沮不諫

逮 知縣何必麟以巡按福建御史楊四知劾其奸貪也

壬寅徵太倉二十萬金以閹臣言減五萬


太僕寺卿裴應章為太常寺卿

國權 萬曆十四年

藍官設還孺木著



國家圖書館, NATIONAL CENTRAL LIBRARY, TAIWAN, R.O.C.



南京協同守備署後軍都督府事武靖伯趙光遠為提兵官  
鎮守湖廣副提兵王撫民為提兵官鎮守陝西

甲辰 世廟雍妃陳氏薨

丙子左通政魏時亮為太僕寺卿

應城伯孫文棟協同南京守備

戊申右通政沈玄華太僕少卿周邦傑為左右通政

己酉工部覆貞明所列畿內水患一浚深州灞州等河一徐

濬安州雄縣保定等河及束鹿深州等河隄一脩河間任邱

橋道一挑河間獻縣滹沱舊河俱估費訖從之

吏部請大計貪酷官從寬止下巡按追贓從之 御史

庚戌吏部大計罷斥方面官六十八人貪酷官十四人立限

追贓

辛亥兵科都給事中王致祥為太僕少卿


吏部舉卓異布政使 等二十六人紀錄

壬子起蔡國珍福建按察副使李盛春江西右叅政甘雨浙

江按察僉事俱原官薦舉

乙卯陳尚忠襲錦衣衛副千戶初外戚陳萬言孫書減襲都

指揮同知應龍減襲指揮僉事今尚忠係四輩





左都御史趙錦憂去

丁巳奪雲南提兵官沐昌祚俸二月以大計不自陳也

己未前軍都督府僉書定西侯蔣建元管南京左軍都督府事左軍都督府泰寧侯陳良弼署前軍都督府事南京中軍都督府忻城伯趙泰脩為南中軍都督府僉書署都督僉事任大同王元為南後軍都督府僉書武進伯朱世雍為後軍都督府僉書

壬戌禮部請廣會試額命取三百五十人著為令經房舊十七增易經之一

癸亥六科查叅考成者閣臣擬罰俸上疑其輕以閣臣疏再從之

辛自修為左都御史時推刑部尚書舒化等上特用之福建提兵官于嵩免

甲子築大同鎮河鎮虜二堡磚城


乙丑雲南巡撫劉世曾請令兵備官陞遷侯代上謂遠方兵備各候代何黔中不尔也命該科查察叅之

是月松潘屬夷萬人犯蒲江閔叅將朱文達力拒之時巡撫徐元泰議征疊溪叛羌徵播州酉陽平茶馬湖諸路兵賊乘

國權

萬歷十四年

三



間先發

土蠻台豬約土蠻等犯前屯衆八萬巡撫顧養謙恐土蠻至  
難禦令李成梁先徵兵代謀率諸將黑雲龍佟養正等出塞  
三百餘里搗虜于母林破之斬九百十級獲畜馬千計

瞿九思曰令甲以出塞為生事扑殺為起衅然律于虜衰  
之時則計專于守今虜勢方強必按成法以繩將士則不  
可母林之戰獨非出塞乎哉今之虜患正以 文皇北  
伐之後不復出塞故虜騎敢于南牧以戰為守政患其出  
塞之不遠也封狼居胥之想諸將勉之


二月丙寅朔兵科給事中李弘道薦海瑞顏鯨傳應積梁綱管  
志道皆君子當進兵部尚書張佳胤搃督薊遼當議 上責  
其擅罰俸

丁卯戶科覆工科給事中曲遷喬等議二事曰解十庫錢糧  
上納即收毋許官商侵害曰召買內庫受四方任土之貢歲  
有定數相沿二百餘年未聞不足嘉靖隆慶中間有召買數  
亦不侈萬歷元年至十三年供用庫納價十三萬八千七百  
四金甲庫價三萬四千八百四十金丁庫價二十五萬五千  
二百五十七金承運庫價二十八萬二千八百二十二金丙

國權

萬歷十四年

四




庫絲棉價三萬九千八百九十二金銀作局金價三萬三千  
六百二金共價七十九萬四千四百八十九金供用等庫之  
香蠟銀硃銅錫油漆絲綿等料若掌庫樽節自當充溢而該  
庫動言闕乏不知器用將貽何所給何人而後屢行召買是  
不可不覈也減工部木炭之浮數汰惜薪司內臣之冗員當  
無再計乞勅司禮監將各項召買物料與各庫物料逐一簡  
閱則或闕欠或冒破較為明矣有旨弟以後樽節毋妄費  
戊辰內閣申時行請立 東宮曰自萬歷十年元子誕生五  
年于茲麟祥螽斯方興未艾正名定分宜在今日昔 英宗

為皇太子年二歲 孝宗為皇太子年六歲 武宗為皇太  
子未及歲也蓋升儲明震器之重冲年端蒙養之功有旨元  
子嬰弱俟一二年舉行 已巳禮科給事中王三餘請選庶吉士吏部覆擬二十餘人  
著為令

庚申申時行等再請立 東宮旨如前

大學士王錫爵吏部左侍郎周子義主禮闈已貢士陳希伊  
吳國賓入闈蹴死御史柯挺等

壬申前被察湖廣按察副使顏鯨廣東按察僉事管志道許



致任吏部謂先朝察例甚嚴若以一人誣枉破例將開  
緣干進之門今後察處官毋違旨混薦

罷河南巡撫臧惟一

戶科給事中常居敬復召對之典報聞

南前軍都督府僉書吳鯨為總兵官鎮守福建并浙江金温

南守備署中軍都督府事臨淮侯李言恭總督京營

徙山西繁峙縣治于河北右龍岡

戊寅安徽潁州有星大如柿隕東北隅

己卯右副都御史陳堯為刑部右侍郎巡撫湖廣右副都御

史李江為南刑部右侍郎

壬午五軍營左副將謝天祐為南前軍督都府僉書

癸未南太常寺卿孫坤為右副都御史巡撫湖廣巡撫山東

李輔為左副都御史回院


戶部覆御史宋仕請革羨餘處公費命通禁之

前南守備魏國公徐邦瑞仍守備南京署中軍都督府事

甲申刑部主事孫如法請立東宮貴妃恭妃並進封召復

姜應麟沈璟上怒謫潮陽典史

南吏部右侍郎海瑞乞休且陳治安大計曰自張居正罹罪



乾綱獨斷無一時一事不念小民而不收其效者夫之有刑而誤用也 太祖初剥皮囊中洪武三十年定在法八十貫絞之律弘治間士多廉介之節民無漁奪之憂故刑原非德禮外事正德初年美意始變 世宗朝詹事霍韜疏有文官惡其屬已託欽定事例改新犯之律貪官最害之大犯此者撫按為甚撫按容貪可禁乎京師四方之極京官藉公費無一衙門不趨輦轂下貪又可禁乎又及漕運倉場金花馬價光祿寺之上供南京之馬快舡及宮女內臣等語多疵滯上命仍供職

乙酉南京奉御馮保求恩赦還里通政司叅奏命逮其舍人馮繼清

丙戌左通政沈玄華為南太常寺卿

丁亥山西左布政使李戴為右副都御史巡撫山東

寧夏巡撫張九一被劾調外

兵部言軍餉改編非法命如例解補

戊子順天府丞韓必顯為左通政


己丑貴州貢士尹新以江西人竄籍除名

庚寅四川提兵李應祥陳師鎮平分道並進會國師喇麻以

國權

萬曆十四年

七



灣仲占柯來寇歸化游擊周于德伏兵鉄爐溝敗之殲其大  
寨各將勦阿孝隆龍溪康卜諸寨連十餘戰羗潰走不踰月  
河東悉平河西寇奪氣  
辛卯吏部郎中李忠尚為太常少卿  
甲午大風霾

三月丁酉冊皇貴妃鄭氏德妃許氏  
戊戌風霾求直言

移分守嶺東鎮兼銜兵備駐長樂轄惠州之歸善博羅河源  
龍川長樂興寧和平永安及潮州之程鄉平遙海防惠潮道  
仍兵巡移駐潮州轄海陽潮陽揭陽饒平澄海惠來大埔普  
等海豐

庚子申時行等陳安民之要曰催科急迫之害徵派加增之  
害刑獄繁多之害用度奢靡之害然明旨申令不啻三五而  
議論不一詔令不行則非獨生民之害、且在國家矣今欲  
議論之一則題覆不可以不慎欲詔令之行則查叅不可以  
不嚴 上嘉納之


南祭酒黃鳳翔終養

中使段慶孔明等為馮保等營解杖之遣戍孝陵

國權

萬曆十四年

八




傳作天燈等初擬十萬金減費可七萬工科都給事中王敬民又請停止上不得已減二萬五千金  
辛丑上朝畢召輔臣于煖閣出前疏稱善曰燒造織造原非得已可減之京東水田人情甚不便不宜強行申時行曰高田宜黍麥下田宜種稻今情民蕪其下田故議墾非欲盡熟之田也上曰荒田可墾水田不可作時行退疏其利不聽切責徐貞明擾民竟中輟時開墾已成收穫甚富一聞詔下盡徹隄毀防斥為閑田垂成之功廢于一旦良可惜也蓋諸閹多北人慮且倣江南起稅倡言撓之

順天府尹沈思孝調南工科左給事中論其提調鄉試保勘冒籍也有旨降俸級竟欽出錫爵之門錫爵語陳有年曰沈京兆被調乞休上言其怨望柰何有年以問王家屏答曰吾儕比肩殿閣安得彼獨聞天語乎吏部員外郎鄒元標引疾去

陝西左布政使梁問孟為右僉都御史巡撫寧夏提督四夷館太常少卿陳有年為右僉都御史巡撫江西  
癸卯復漢陽縣儒學

上憂早令有司條奏便宜時部曹多言貴妃事上怒欲重



謹尋解疏並留中

予故少保彰武伯楊炳祭墓

刑部尚書舒化上四事信詔令清詞訟速問理嚴簡驗禁寬  
濫上嘉納之

御史王之棟言尚寶司少卿徐貞明奉詔治水利惟濬沔河  
為真定大患詢諸父老謂此河決不可以力人治因條十二  
事下廷議工部覆謂事無全利亦無全害徐貞明勞役一年  
墾三萬九千餘頃獨蘆溝濬沔二河之費未便誠如御史言  
上即召貞明入朝

設遷曰余讀潞水客設詳哉其言之也假在江陵時且即  
用而需其誠矣不幸以傳應楨之都坐免中得委任奪于  
異議縣官每一役亡論便否輒歎不已則任事之難自  
古記之矣

乙巳命順天府雨禱雨


吏部尚書楊巍言吏治六事正士習抑徼倖明選法酌開納  
完定政慎舉措上嘉納之謂開納事應存應止下戶工二  
部酌焉

左春坊左諭德兼侍讀趙志臯為南祭酒

國權

萬歷十四年

十





總督漕運南刑部尚書王廷瞻罷

己酉封楚王華奎庶祖母王氏為次妃

庚戌策貢士袁宗道等三百六十人于皇極殿賜唐文獻等進士出身有差

壬子大理少卿王用汲為順天府尹

西寧侯宋世恩奪祿三之一以條議狂悖也

除徐貞明御史仍尚寶少卿

乙卯改貴州程番府為定番州屬貴陽府初貴州巡撫舒應龍巡按毛在謙降府為州以貴竹平伐二土司并歸化新哨

二里改入會城為縣設流官至是設知州同知吏目各一儒

學正一

南吏部右侍郎姜寶為南刑部尚書南右通政郭廷梧為大理少卿

丙辰許遠東總兵官寧遠伯李成梁引疾三月如重事同撫

按酌行

丁巳南尚寶司卿周世選為南右通政


戊午右春坊右諭德兼侍講李長春為左春坊左庶子洗馬

兼脩撰趙用賢為右庶子兼侍讀

國權

萬歷十四年

十一



以糴早遣告郊壇仍諭歸脩省

禮部復請嚴禁奢靡兼減織造燒造報可監視二程戶科給事中穆來輔奏停不急之工罷淫祠之徑 上以其瀆議處

已未大理少卿何源為南吏部右侍郎吏科都給事中齊世臣為太常少卿

辛酉兵部覆刑科事中李國士言班軍三害曰追呼曰扣給

尅曰科派命申飭禁之 壬戌司業劉域為左春坊左中允兼編脩禮部覆閣臣及科道等疏請立皇長子不聽

四月乙丑朔 上享太廟

戊辰南兵部尚書 致仕

予故南刑部尚書孫植祭墓

己巳南司業習孔教為右春坊右中允署北司業


庚午南太僕寺卿石應岳為應天府尹

辛未編脩沈懋學為南司業

癸酉京師地震

乙亥予靈璧侯湯 祭塋謚

刑科給事中胡時麟言有罪官吏遣官袒解恐官旗之害甚



于貪酷之吏 上怒謂官旗何以致害奪俸二月

庚辰前順天府尹沈思孝為南太僕寺卿

御史楊紹程言皇貴妃位亞中宮分則甚尊而恭妃誕育元子系則甚重名分相臨或恐未安 上怒奪歲俸仍戒百官不得訛君賣直

癸未予故兵部左侍郎谷中虛祭葬

乙酉南戶科給事中王嗣美追諭脩撰沈懋孝壬午主試應天私王篆子之昂賄錄取獻明王尚行賀學禮劉士理包文熠及逮貢士覆試


丁亥禱旱郊壇

庚寅應天提學御史房寰誣奏南右都御史海瑞官無善狀枉辭詆飾吏部以瑞人望仍供職

裁漢陽府學訓導二保定莞馬通判一

辛卯盜失文淵閣印限六月朔補賜自後相權日輕

四川總兵李應祥討西羗為浮橋六夜濟師諸將畢渡河西諸寨以次克諸殘羗走保絕壁兵不得上師環攻之播州土司楊應龍先登焚其巢穴羗乃潰兩河皆平諸殘羗願得保塞獻驍逆一人坑而斃之以誓曰埋奴道旁盟曰後有反者



有如此塚凡下二十八寨斬一千七十五級于是巡撫徐元  
泰立平番堡守備成三千五百人

瞿九思曰語云一日縱敵數世之患信哉是言也楊柳諸  
羗號百二十萬曩丁大夫玉兵至強乃不殲滅之何與白  
草之役大將軍提士卒五千人竟全軍以沒此猶未敢與  
徐司馬道也嗟乎宋滄獻輿地圖而謂松疊險于劍閣瞿  
塘也異哉徐司馬功此可畫麒麟而稱平羗將軍也  
郭子章曰嗟乎漢當中興尚閉玉關謝西域唐丁盛際諸  
番堡質侍子未聞自縛首兇數十人甘心幽土以堅誓盟

自非靈威神武安能鎮壓其狼心建千古駿業哉

壬辰周世子壽添封周王

戊戌南戶部尚書傅希摯改南兵部編脩金益麟為南業司  
協守延綏定邊副總兵都指揮僉事杜桐為提兵鎮守延綏  
五月乙未朔申時行言壽宮工程例次輔以下遮閱從之

巳亥四川嘉定州娶婦張氏王憲明妻也少寡守志乙酉十  
月祭夫墓舟覆嘉陵江中至是日屍出如生鄉人驚歎立祠


癸卯御皇極門宣遠東之捷

乙巳工部左侍郎王友賢為南戶部尚書

國權

萬曆十四年

十四



叙遼東功進王一鷄右都御史仍提督顧養謙右副都御史  
丙午諭內閣曰令戶部市金珠內承運庫司禮太監孔成以  
皇六妹婚禮急需金寶計各色金四千三百兩青紅寶石九  
千九百二十二枚西珠六百枚各等珠九萬二千七百十七  
枚珊瑚三萬六千枚珊瑚等料二十七斤七兩翠羽一千七  
十五枚各色香九千八百三十四兩酥合香油亡筭戶科都  
給事中田疇求節省俾免不允閣臣揭請允之  
戶部覆巡按河南御史劉士忠所陳重折之害惰農之害  
上以折俸太重殊為民累下撫按酌減


南工部尚書陰武卿乞減免織造燒造器物查改棕薦停解  
花梨等木改折皮張蠲宿欠物料免取杉楠不聽  
巳酉戶科都給事中曲遷喬劾禮部主事文在中所刊觀字  
篇畔道蔑禮乞火其書命鑄一級調南京  
辛亥前尚寶司丞楊時喬為南太僕寺丞  
甲寅戶部尚書畢鏘致仕  
乙卯曾同亨趙煥為工部左右侍郎祭酒韓世能為南禮部  
右侍郎

戊午設南通政司使復光祿少卿

國權

萬曆十四年

十五



予故南工部尚書劉一儒祭塋

庚申賑延綏飢

辛酉鑄文淵閣印

壬戌摠督倉場戶部左侍郎宋纁為戶部尚書

左春坊左庶子兼侍讀學士李長春為祭酒

是月江南江北及江西大水河南山西陝西大旱

六月甲子朔巡按雲南御史毛在言貴州土酋頗悍而安國亨

為甚奸人為潛入京偵探乞嚴衛嚴緝有旨土司夷民事聽

本省撫按毋越奏

乙丑周府奉國中尉勒併訐奏鄉官卓世彥上欲遣內臣

法司往訊閣臣止之始下撫按

張國彥為戶部左侍郎

戊辰光祿寺卿秦燿為右僉都御史巡撫南贛汀漳提督軍

務戶部左侍郎毛綱摠督倉場

己巳發臨清德州倉粟二十萬石賑真定河南

庚午太僕寺卿魏時亮為光祿寺卿


丁丑侍講劉元震為左春坊左諭德兼侍讀

左副都御史李輔清理貼黃

國權

萬歷十四年

十六



戊寅撫治鄖陽方弘靜為南戶部右侍郎總督糧儲  
前都察院檢校洪毓奏臣父朝選為勞堪所殺願與同死章  
下所司

庚辰雲南按察使李材為右僉都御史提督軍務撫治鄖陽  
辛巳禮部左侍郎兼侍讀學士朱賡改吏部詹事府兼侍讀  
學士張位為禮部右侍郎仍日講教習庶吉士

丙午前少傅武英殿大學士陳以勤卒字 四川南充人  
嘉靖辛丑進士官檢討歷脩撰侍讀學士夏言當國欲薦直  
青詞婉謝之進太常卿祭酒禮吏工部侍郎 穆宗在潛邸


待講讀最久深自晦匿及即位手詔直內閣屢上章見採且  
有羽翼功早退林居十七年或笑其迂答曰士君子立身行  
已當自迂始予祭墓贈太傅謚文端

左春坊左諭德兼侍讀劉虞夔清理軍政貼黃  
命都司署印僉書更番餽運

癸未戶部以沿海沿邊軍需錢糧重大巡按御史兼覈請各  
給勅從之命視薊昌例行

乙酉免大同夏稅十之七

夜北通州大風雨石土二填沉糧船二十有一



丙戌少詹事徐學卿為詹事府

丁亥以壽宮費巨聞嘉靖間各撫按贖鍰進助大工下工部  
議之

戊子南工部右侍郎張孟男為通政使王弘誨于慎行為禮  
左右侍郎

賑廣西柳潯平樂飢

己丑旌安徽盱眙人蔣臚一門孝義貞節

庚寅申時行等言諸臣助工似是宜停罷如後費不及臣等  
當率在京文武官辭俸薪佐公家之急不許工部言庫積事

例六十萬金目前可給容後圖之

設遣曰捐俸助大工自始于嚴嵩此何足做而吳縣顧師  
之庸相型模不自知其陋矣

七月甲午朔 上享太廟


辛亥予成國公朱國禎祭葬

乙卯進士彭遵古諸壽賢顧允成言南提學御史房寰誣論  
右都御史海瑞夫瑞為當朝偉人寰貪污狼籍天下人為瑞  
甚難為寰甚易因數其欺罔有五 上以遵古等輕肆削籍  
因令各衙門堂官約束辦事進士

國權

萬曆十四年

大






周邦傑趙參魯為左右通政

禮部覆太常卿裴應章祀典當議四事曰太廟侑享國初建  
四龍親廟親王侑東廡功臣侑西廡洪武九年進親王殿東  
壁功臣西壁嘉靖仍序西廡應章據禮而論之謂諸王應從  
祖祔食今四祖之祧諸王無祔則議罷禮也但欲祔之祧廟  
亦有未安蓋以祧藏毀廟之主為祖也非為孫也禮有祧不  
聞侑祧功臣西壁始為合禮曰內殿祭告奉先殿在大內非  
外廷可預故祭品辦自光祿寺告文執事人俱供內自太常  
寺不與焉嘉靖以來冊封諸藩例遣官時用該寺官而祭品


祝文則仍內也萬歷元年該寺請遣官奉旨躬享二年又申  
則舊例仍內廷供事夫大內禁地先朝宜如其舊曰諸妃附  
陵先是長獻景裕茂康六陵諸妃塋金山者祭本墓嘉靖十  
七年罷各墓祔陵應章欲世廟諸妃升祔陵殿為宜曰陵  
祭品物各陵時祭祀祝文牲帛俱同元旦禮宜加隆顧九陵  
恭讓恭仁之陵止酒菓而越靖等王及諸王妃又牲帛祀文  
及從其厚此應章有畫一之議也臣等度之八陵帝后歲暮  
裕祭于廟旬日復孟春之享故元旦于陵止酒菓非儉也禮  
也諸王諸妃裕祭春祭皆不預而元旦特用牲帛亦禮也所



未盡也者恭讓恭仁既不與祫享不設牲帛是亦闕文議者  
偶未之及耳謂宜增二陵之祭補所未備而諸王諸妃祀文  
繫初塋時所用而時享仍之未合于義宜改撰通時並從之  
恭于慎行曰國初建四親廟以十六年祫食皆太祖之伯  
叔兄弟祫食祖廟禮也然諸王之享本祫四祖及數世  
之後四祖已祫而諸王之位依然如故則何所祫而享乎  
且二祖列聖以來親王無後者代有之即禰廟未遷  
不聞祫食之禮况祫廟之後何以獨存誠以為太祖所  
祫不敢輕議則四親之廟亦太祖所立也又可祫乎且

使四祖未祫則十六王屬為子姓配食其旁統于尊者也  
四祖既祫則二祖八宗皆十六王曾玄之屬而儼然臨  
之使其祫享于下恐非所以妥先靈而叙世次矣漢世祖  
嘗以兄武哀王姊昭哀后祫享太上寢廟及孝元之世太  
上寢廟既毀二祀亦罷以其無所祫也今即未忍遽廢宜  
如金山諸王事例于鳳陽墓所時祭即園寢無考則祫享  
皇陵祖陵亦無不可在廟非禮也

戊午刑部尚書舒化議五城御史允訟宜受理不宜問罪又  
不得濫罰及簡託刺字報可



周府宗正鎮國中尉睦樸卒睦樸習經傳讓產于弟購書博  
作萬卷堂年七十所著書多行世上重其學行加祭一壇  
予塋

辛酉潮漳副總兵劉大勳為總兵官鎮守福建金溫  
壬戌南右春坊右諭德田一雋為左春坊左諭德纂脩玉牒  
八月癸亥朔前巡撫甘肅王垓起巡撫陝西

南京奉御馮保專恣成孝陵其黨客用杖八十受役  
乙丑江南長洲歲貢生王敬臣遙授國子監博士敬臣積學  
篤孝嘗封股廬墓學者稱少湖先生所著有婦訓家禮纂游

武夷託行于世

賑江西贛州府屬縣

巡撫江西陳有年請減陶器不允閣臣揭日前旨燒造難成  
及不係緊要者查明裁減故有年奏上若擬旨不允無以信  
海內臣愚宜已成者進之餘減止或如嘉靖間改用礬紅或  
別色庶詔令可信仍不聽初閣揭最重申時行屢瀆上頗  
懷疑多不報

辛未太僕寺督理馬政關防

癸酉覆試壬午南榜貢士狄獻明等五人俱文理平通惟賀

國權

萬曆十四年

主

